

DE SACRIS ARCANIS
ANGELICAE ANNUNCIATIONIS

ET CHRISTI CONCEPTIONIS
IN UTERO VIRGINEO

LIBER QUINTUS

HOMILIA PRIMA.

Per multis rationibus ostendimus valde congruum fuisse, angelum, non hominem ad Virginem mitti; decessisse tamen, ut sub effigie humana ei appareret. Deinde Gabrielis nomen illustramus, ac supremum illum omnium coelestium spirituum esse, nonnullis coniecturis, et Patrum testimonis suademus; ac tandem, quantum intersit ad negotia pertractanda prudentis muniti industria uti, edocemus, in illa verba: Missus est angelus Gabriel a Deo.

Divi Bernardi vestigia sequens, qui (ser. 4. super Missus) inquit: Lubenter ubi mihi congruere video, verba sanctorum assumo, quo vel ea vasculorum pulchritudine gratiora fiant, quae in his lectori apposerim: placet perpulchram hanc, ac dulcissimam Marianae annunciationis tractationem, verba Sancti Patris nostri Bernardini (ser. 2. c. 3. de glor. nam. Mar.) mihi usurpans exordiri: Non est facultatis humane, dilectissimi fratres, quamdiu in hoc mortali corpore vivitur, plene pervenire ad laudem gloriose Virginis, Matris Dei, quae omnium hominum, et voces excellit, et superat intellectum. Quis enim mortalium, nisi divino illustratus oraculo, de unica Dei, et hominis Genitricis quidquam modicum, seu grande praesumt edicere, immo non timeat hanc pollutis labiis nominare? quam Matrem misericordiarum, et ante saecula Deus perpetuum praedestinavit in Virginem dignissimam, Filium praelegit in matrem, Spiritus sanctus novae gratiae domicilium praeparavit? Quibus laudibus servitus hominum regnam efferet angelorum? quae praecordia dilatat mortalibus angustia, vel officia sub-

ministret, cui coelestia parent, et famulantur obsequia? quis dignam honoribus plusquam hominum acclamabit in terris, quam spirituum agmina beatorum ingiter venerantur in coelis? Sane celsitudo ineffabilis huius argumenti humanae intelligentiae altitudinem, et totius vincit eloquii facultatem; adeo ut excellentissimis ingenii, et facundissimis linguis longe sublimior sit. Sed gaudentium nobis potius, quam erubescendum est, quod tanta superem materiae dignitate; Dei tamen auxilio freti, a quo omnis nostra sufficientia est, ut Pauli verbis loquar (1. Cor. 3), sacra, quae delitescent in angelica annunciatione sacramenta, aperire aggrediar. Et quidem in primis, quanti illa momenti, ponderis, et gravitatis fuerit, neminem latere poterit, qui militantis maiestatem, Virginis, ad quam militatur, sanctimoniam, nuncii missi excellentiam, rei nunciatae altissimum arcanum, salutationis inauditum eloquium, Mariae nominis dulcissimam appellationem, illius ad incarnationem sapientem, ac maturam consensum, verborum prudentiam pariter, et humilitatem, in quibus illum expressit, ac tandem temporis, ac loci scatenotes mysteriis circumstantiis atente perpendit. In mense sexto, ait sacer evangelista (Luc. 1): ecce valde consentaneum tempus: missus est angelus Gabriel: ecce nuncii coelestis missi excellentiam: a Deo: ecce maiestatem mittentis: in civitatem Galilaeae, cui nomen Nazareth: ecce singularem loci, et ipsius civitatis nominis circumstantiam: ad Virginem desponsatam viro: ecce celsitudinem, et statum Mariae cui fit nunciatio: et ingressus angelus ad eam, dixit: Ave, gratia plena: ecce inauditum salutationis eloquium. Quae, cum audisset, turbata est in sermone eius, et cogitabat, qualis esset ista salutatio: ecce in turbatione verendum, et in cogitatione, et deliberatione Mariae sapientiam: quomodo fiet istud, quoniam virum non cognosco? ecce insuam Ma-

riae castimoniam, et virginitatem: Spiritus sanctus supererit in te, et virtus Altissimi obumbrabit tibi: ecce ineffabile incarnationis sacramentum Mariae reseratum: ecce ancilla Domini, fiat mihi secundum verbum tuum: attende hic prudentem, ac humilem Mariae responsonem, per quam internum suum consensum luculenter expressit: et discessit angelus ab ea: ecce angeli profectum, ut redeat ad mittentem illum, postquam munere suo iam plene functus fuerat. De his omnibus, Deo dante, disseremus; in hac tamen prima homilia sermonem tantum texemus de Deo mittente, et angelo missio, in illa eiusdem Lucae verba: Missus est angelus Gabriel a Deo.

Cum opera Trinitatis ad extra sint indivisa, ut loquuntur theologii, certe cum Lucas ait, missum angelum fuisse a Deo, missum utique intelligi debet a tota Trinitate; non tamen, quomodo alii mittuntur, qui cum aliquid nunciant, illud immediate accipiunt a superioribus angelis illos illuminantibus: nam, ut inquit magnus Dionysius Areopagita (lib. de coel. hier. c. 8): Ad divina, et aeterna lege, atque ordine sanctum est, ut per prima secundis divini fulgoris radius infuset; sed speciali privilegio, et praeter Dei consuetudinem, teste d. Bernardo (hom. 1. in evang. missus.), nullius angeli intervenit, sed Deo ipso immediate revelante, arcanum Mariae annunciandum accepit: Non ob alio, inquit, aliquo forte excellentiore se, ut assolet, spiritu, sed ab ipso Deo mitti Gabriel perhibetur: propter hoc ergo positum est, a Deo unde et addit: Vel ideo dictum est ab evangelista missum Gabrielem a Deo, ne cui, vel beatorum spirituum, suum Deus, antequam Virgini, revelasse putetur consilium, excepto dumtaxat archangelo Gabriele, qui utique tantae inter suos inveniri potuerit excellentiae, ut tali, et nomine dignus haberetur, et nuncio: in qua etiam sententia video fuisse d. Chrysostomum (apud Metaphr. orat. de annunc.), qui Deum introducit haec verba ad angelum Gabrielem loquentem: Placet, ut virtutes omnes, quae in coelo sunt, mysterium hoc lateat, et tibi soli sit manifestum. Addo, consulto evange listam dixisse, missus est a Deo, non solum ad maiestatem mittentis significandam, sed, ut ostenderet, quod Gabriel non ingressus se, prout familiaris est malignis spiritibus: satanas enim ingressus se, ut acerrime tentaret lobum: et in os prophetarum se immisit, ut mendacia prophetaret, prout legitur lib. 3. Reg. 13; ad eius imitationem pseudoprophetae se se non vocati, velut lupi in ovilia, obtrudant, ut grassentur, iuxta illud Ieremiae (c. 22): Currebant, non militemus eos: non sic angelus Gabriel, sed missus a Deo dicitur, qui facit angelos suos spiritus, et ministros suos ignem urentem, ut ait regius Vates (Psal. 103). Licet autem culpam videri possit, consentaneum fuisse rationi, ut ad annunciandum Deum futurum esse hominem, nuncius homo assumeretur: missio enim humani nuncii ad Virginem egregie quidem adunbraret missionem Filii Dei ad eandem, ut ex ea humanam carnem assumeret; convenientius tamen, et congruentius multo, angelum fuisse Mariae missum a Deo, ratic-

nes non paucae aperte convincunt, quarum primo loco, quas Patres tradiderunt, tanquam potiores apponam, deinde a nobis excogitatas subiungam. D. Hieronymus (ser. de assumpt.), quem ad id citat doctor Thomas ait: Bene angelus ad Mariam virginem mittitur; quia semper est angelus cognata virginitas: profecto in carne praeter carnem vivere, non terrena vita est, sed coelestis: cum ergo b. Virgo, plusquam angelicam, ac coelestem ageret vitam, conveniens erat, spiritum angelicum, et coelestem et parantissimum mitti. Secundam rationem tradit vener. Beda in haec verba: Aptum humanae restorationis principium, ut angelus a Deo mitteretur ad Virginem partu consecrandam divino, quia prima perditionis humanae fuit causa, cum serpens a diabolo mitteretur ad mulierem spiritu superbiae decipiendam: ut enim egregie d. Chrysolog. (in ser. 141) adnotavit: Ut homo curibus eisdem, quibus delapsus fuerat ad mortem, rediret ad vitam, agit cum Maria angelus de salute, quia cum Eva angelus egerat de ruina, ut nostrae perditionis initio conveniens nostrae reparationis principium responderet. Tertiam rationem, eamque subtili Chrysologi ingenio dignam, ipse ibidem in his verbis scripsit (ibid.): Audistis fragilem nostrae carnis naturam ad portandam totam Deitatis gloriam angelica exhortatione roborari: sicut enim Christus interitum per angelum confortari voluit, sic devit Virginem. Itaque sicut Christo ad deplendam agoniam, ut ait evangelista (Luc. 22): Et factus in agonia, prolixius orabat, missus fuit angelus confortans; ita Virgini, ad propulsandam futuram eius turbationem, turbata est in sermone eius, missus fuit angelus de coelo, illam corroborans, et timorem ab ea fugans: ne timeas Maria. Quarta ratio est, quia licet b. Virgo superior esset angelis quantum ad dignitatem, ad quam divinitus electa erat, sed quantum ad statum praesentis vitae inferior erat angelis, ut docet d. Thomas (3. p. q. 30. art. 2. ad primum): erat enimatrix, illi comprehensorum; constat autem secundum doctrinam Dionysii (de coel. hier. c. 4. et 7), decere, ut arcana a superioribus inferioribus revelentur: igitur oportebat, Mariam de divino conceptu in utero eius celebrando, non pro hominem, sed per angelum instrui. Quinta ratio, quia cum Deus non angelicam, sed humanam naturam assumere decrevisset, Apostolo dicente (ad Heb. c. 2): Nusquam enim angelos apprehendit, sed semen Abrahae apprehendit: conveniens erat, ut ad supremum incarnationis sacramentum, saltem interventorem angelum, vocaret, ut sic tanti mysterii nunciatio angelica natura honoraretur. Sexta ratio, quia proprium est angeli custodis illuminare personam a se custoditam; angelus autem Gabriel custos erat b. Virginis, ut tradunt d. Ildephonsus (ser. de assumpt.), b. Petrus Damianus (or. 1. de tra. Virg.), Abulcius (in Math. c. 18. q. 60), et Udalricus (apud Dion. Carth.). Ultima ratio sit: nam si Deus olim missi Raphaeli eam curandam infirmatam, Gabrielem ad liberandos captivos, Michaeli ad expugnandos hostes; congruentius erat, ut mitteret angelum ad annunciandam eius incarnationem, qui ad omnia illa incomparabiliter

